

Zbirka medijskih objava

VladaBrckoDistrikta_kliping_dnevno,
za razdoblje 30. 10. 2022

Broj objava: 3

Internet: 3

Teme praćenja:

Vlada Brčko Distrikta: 0

Gradonačelnik: 0

Skupština Brčko: 0

Brčko: 3

Brčko:

Internet	Naslov	Najbolju sarmu napravile članice Udruženja "Behar" iz Škahovice, druge članice Udruženja žena Biser iz Brke kod Brčkog /FOTO		
Serijski br. 1	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 29. 10. 2022		
	Autor	Unknown		
	Teme	Brčko		

Internet	Naslov	Svečanost u Gluhakovcu: Otkriven mural Aziz age Šehovića i njegovog konja Barona /FOTO		
Serijski br. 2	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 29. 10. 2022		
	Autor	Unknown		
	Teme	Brčko		

Internet	Naslov	Slijedi drugi rebalans budžeta Brčko distrikta Bosne i Hercegovine zbog viška prihoda od 18 miliona maraka		
Serijski br. 3	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 30. 10. 2022		
	Autor	Unknown		
	Teme	Brčko		



Najbolju sarmu napravile članice Udruženja “Behar” iz Škahovice, druge članice Udruženja žena Biser iz Brke kod **Brčkog** /FOTO

Vrijedne ruke bosanske žene ne mogu se mjeriti ni sa jednom drugom kada govorimo o pripremi tradicionalne hrane.

Vrlo često ne vidimo važnost i vrijednost “proizvoda” koji nastaju iz ruku bosanske žene, ali u moderno vrijeme tradicija se čuva i kroz organiziranje manifestacija a ruka bosanske žene dođe do izražaja.



Daleko je to od obične radnje “priprema hrane”, kod bosanske žene pored tehnike, izbora začina i malih tajni je utkana ljubav i duša zbog čega takvo tradicionalno jelo odiše na vremena u kojima je bilo više ljubavi, sloge, poštovanja i duše.

Udruženje žena “Ruža” Donja Lohinja u Gračanici danas je organiziralo manifestaciju “Dani kupusa 2022.”. Ekipe Zimske kuhinje danas je bila upravo na ovoj manifestaciji gdje smo uživali u druženju sa divnim i aktivnim ženama.

Naravno, Zimska kuhinja i naš chef Miran Karić iskoristili su ovaj ambijent kako bi napravili nešto za naše gledatelje.

Prodajno izložbena prezentacija i druženje žena iz brojnih udruženja sa tog područja i drugih koje su pristigle kako bi uzele učešće u takmičarskom dijelu.

Takmičarski dio se odnosi na pravljenje najbolje sarme, težak izazov i veliki rivali ipak su “borbu” završili osmijehom, zabavom i srećom.

PETNAEST UDRUŽENJA I VELIKA PODRŠKA

Amira Čilić Omerašević, zamjenica predsjednice Udruženja žena “Ruža”, je za Hayat kazala kako su kao udruženja sa velikom slogom i prijateljstvom takmičarski dio odgodile zbog kašnjenja udruženja žena iz Brke.

Na manifestaciju nam se odazvalo petnaest udruženja. Podršku imamo od ovih udruženja, poljoprivrednih proizvođača, gradonačelnika grada Gračanica koji podržava svaku našu aktivnost. Tu je neizostavni dio naših događaja, predsjednik mjesne zajednice Zijad Kapetanović koji sa svih strana podupire ovo naše udruženje.

“IMAMO SVOJ DŽEPARAC”

Manifestacije ovog tipa za žene u Donjima Loginjama su jako važne s obzirom da je Sprečanska dolina poznata po proizvodnji kupusa.

Žene koje su na margini našeg društva dolaze do izražaja time što će svoje privredne proizvode prodavati, tokom čitave godine imamo kupus, nonstop se proizvodi. Mi i u pola ljeta i zime imamo i slatkog i kiselog kupusa i sve ostale proizvode koji se prave od kupusa. Ono kad kažete “Što baš žene? Što baš kupus?”, kažemo iz razloga što tu žene profitiraju od kupusa, zasadi ga i proda i odmah ima svoj džeparac, ne moli se nikom drugom, kaže za Hayat Čilić Omerašević.

KUPUS JE GLAVNI, ALI NIJE JEDINI

Čilić Omerašević ističe da je fokus na ovoj manifestaciji kupus i da je to područje poznato po proizvodnji kupusa ali da se kao udruženje ne baziraju isključivo na ovoj zdravoj namirnici.

Nismo se mi bazirali samo na kupus, imali smo ove godine tri žene koje su se udružile i posijale tikve i onda smo imali košpe, vršili smo njihovu prodaju na našem sajmu u Gračanici, Zlatne ruke Gračanice i imamo uskoro Gračanički bazar. I tu smo sačuvali proizvode da prodajemo, kaže.

NAJBOLJA SARMA U ŠKAHOVICAMA

Na kraju ovog prelijepog druženja odlučili smo saznati i čija sarma je danas bila najbolja. Žene članice Udruženja “Behar” iz Škahovice u 2022. godini odnijele su pobjedu za najbolju sarmu.

Drugo mjesto osvojile su članice Udruženja žena Biser iz Brke (Brčko Distrikt), dok je su trećeplasirane članice udruženja “Soko” iz Gradine.

Takmičarski dio je za vršen – pobjednici poznati. No, druženje je nastavljeno a zahvaljujući ovim ženama bosanska tradicija će još dugo da živi.



Hayat.ba//Otisak.ba



Otkriven mural Aziz age Šehovića i njegovog konja Barona /FOTO

Jučer je u naselju Gluhakovac u **Brčko** distriktu Bosne i Hercegovine upriličena svečanost otkrivanja murala na zidu kuće Aziz age Šehovića.

Mural koji prikazuje Aziz agu i njegovog konja Barona je urađen „u čast“ tradicionalne čuvene Ajvatovice koji Aziz već duži niz godina pohodi i na taj način promovira bh distrikt.

-Na svečanosti otkrivanja murala, osim moje porodice, prijatelja i komšija, prisustvovali su članovi udruženja Udruženje konjanika i fijakerista "Lasta" Gradačac, glavni imam Medžlisa islamske zajednice u **Brčkom** dr. Mustafa ef. Gobeljić i mnoge osobe iz društvenog i političkog života našeg grada- kazao je Šehović.







Dodajući da je mural uradila osoba iz **Brčkog**, a Šehović sa razlogom ili ne nije otkrio ime umjetnika.

Otisak.ba



Slijedi drugi rebalans budžeta **Brčko** distrikta Bosne i Hercegovine zbog viška prihoda od 18 miliona maraka

Drugi ovogodišnji rebalans budžeta Distrikta, trebao bi kroz drugo čitanje biti razmatran i prihvaćen na narednoj redovnoj sjednici brčanske Skupštine koja je zakazana iduće srijede, drugog novembra sa početkom u 10 sati.

„Razlog rebalansa je višak prihoda u odnosu na rashode od oko 18 miliona maraka. S obzirom da je raspodjela sredstava uglavnom usaglašena na sastancima parlamentarne većine, te da je provedena i javna rasprava sa građanima, očekujem da rebalans bez „većih turbulencija“ bude prihvaćen kroz drugo čitanje, odnosno definitivno usvojen“, rekao je predsjednik Komisije za budžet Skupštine Distrikta Srđan Blažić.

Kad je riječ o zahtjevima građana iznesenim tokom javne rasprave, oni koji zbog ograničenih sredstava ne budu mogli biti obuhvaćeni rebalansom, nastojeće se ukalkulisati u projekciju budžeta za 2023., koji takođe treba biti usvojen najkasnije u drugoj polovini decembra, odnosno do kraja ove godine, precizirao je Blažić.

[Radiobrecko.ba/Otisak.ba](https://radiobrecko.ba/Otisak.ba)